

Broj: 02- 02-1435/23  
Dana: 24.07.2023.godine

BOSNA I HERCEGOVINA  
FEDERACIJA BOSNE HERCEGOVINE  
PARLAMENTFEDERACIJE  
DOM NARODA  
Sekretar  
Sarajevo, Hamdije Kreševljakovića 3

BOSNA I HERCEGOVINE  
Federacija Bosne i Hercegovine  
PARLAMENT FEDERACIJE  
SARAJEVO

Primljeno: 07-08-2023			
Org. jed.	Broj	Priloga	Vrijednost
05/2	-02-	186	123

PREDMET: Delegatsko pitanje i Inicijativa  
(Veza: Vaš akt broj: 05/2-02-186/23 od 03.07.2023.godine

Poštovani,

U vezi sa dostavljenim delegatskim pitanjem, koji je postavio delegat Almir Babajić a odnosi se inicijativu o usaglašavanju Zakona o Agencijama i unutrašnjim službama za zaštitu ljudi i imovine („Službene novine Federacije BiH“: 78/08) i Zakona o obrtu i srodnim djelatnostima („Službene novine Federacije BiH“: 75/21). Naime zakonska legislativa omogućava da se osnuje obrt za postavljanje protivpožarnih alarma i zaštitu protiv provala, nadzor nad elektronskim i bezbjedonosnim alarmnim sistemom. Međutim prilikom inspeksijskog nadzora dolazi do kažnjavanja obrtnika zbog čega je potrebno da se ova dva zakona usaglase, dajemo sledeće izjašnjenje:

Članom 1. Zakona o obrtu i srodnim djelatnostima je propisano da se ovim Zakonom uređuju uvjeti, obavljanje obrtničkih i srodnih djelatnost, registracija, poslovanje, zajedničko obavljanje i prestanak obavljanja obrta i srodnih djelatnosti, obrazovanje i osposobljavanje za obavljanje obrta i srodnih djelatnosti, organizovanje obrtnika i osoba koje obavljaju srodne djelatnosti i nadzor.

U podzakonskim aktima nalazi se popis djelatnosti koje se mogu obavljati kao obrt odnosno srodna djelatnost. U Pravilniku o popisu obrta („Službene novine Federacije BiH“: 42/22) pod šifrom N/80.20 nalazi se djelatnost- Usluga zaštite uz pomoć sigurnosnih šifara. Navedenu djelatnost mogu registrovati fizička lica i ista se može obavljati kao obrt i ista ne obuhvata zaštitu ljudi i imovine koju obavljaju samo pravna lica. U Standardnoj klasifikaciji djelatnosti sa objašnjenjima je detaljno navedeno šta podrazumijeva jedna šta druga šifra djelatnosti koju obavljaju samo Agencije

Međutim, fizičko lice ne može osnovati Agenciju za zaštitu ljudi i imovine, a što ni Zakon o obrtu i srodnim djelatnostima niti podzakonski akti to ne propisuju.

Zakonom o Agencijama i unutrašnjim službama za zaštitu ljudi i imovine uređeni su uslovi za osnivanje Agencija za zaštitu ljudi i imovine, njihova djelatnost, obavezno organizovanje službe i zaštite. Prema navedenom zakonu, Agencija ima svojstvo pravnog lica što znači da ju je ne može osnovati fizičko lice kao obrt.

BOSNIA AND HERZEGOVINA  
FEDERATION OF BOSNIA AND HERZEGOVINA  
FBiH MINISTRY OF DEVELOPMENT,  
ENTREPRENEURSHIP AND CRAFTS

Međutim član 3. i član 8. navedenog zakona su kontradiktorni, jer iako je u članu 3. Zakona propisano da Agencija ima svojstvo pravnog lica u članu 8. stav 2. propisano je da Agenciju osnivaju pravna i fizička lica, umjesto "Agencija se osniva kao pravno lice". Ovaj stav je potrebno brisati jer djeluje zbunjujuće, budući da fizičko lice ne može osnovati Agenciju kao obrtničku djelatnost a što nije u pomenutom članu utvrđeno. Umjesto navedenog potrebno je propisati „Agencija se osniva kao pravno lice“.

Znači problem nije u ne-usaglašenosti Zakona o obrtu i srodnim djelatnostima u Federaciji BiH i Zakona o Agencijama i unutrašnjim službama za zaštitu ljudi i imovine već u neusaglašenosti člana 3. i člana 8. stav 2. Zakona o Agencijama i unutrašnjim službama za zaštitu ljudi i imovine.

Iz navedenog proizilazi da obrtnik može obavljati već navedenu šifru djelatnosti koja je propisana Pravilnikom o popisu obrta ali naziv obrta ne može sadržavati riječ „Agencija“ niti obrtnik može obavljati djelatnost Agencije, koja podrazumijeva zaštitu ljudi i imovine jer ista ima svojstvo pravnog, a ne fizičkog lica i ne može se obavljati kao obrt.

Budući da u delegatskom pitanju nije navedeno da li je problem u dodijeljenoj šifri ili u nazivu obrta odgovorom je sve obuhvaćeno.

Dostaviti: - naslovu  
- a/a



Ministar

Vojin Mijatović